

ի սուր մաշեալ զթշնամիս՝ ազատ կացուցին զաշխարհն ի նոցին բռնակալութեանց: Ի վերջոյ որպէս Հայաստան նոյնպէս և Աղուան տկարացեալք ի գորութեանց և ճնշեալք անդադար ի Պարսից, մտին ընդ հպատակութեամբ նոցին: Եւ յօրէ յայնմանէ բառնալ սկսաւ յԱղուանից բազուկ իշխանութեան Հայոց, մնաց միայն անխզելի կապ Աստուածային սիրոյ և Քրիստոնէական հաւատոյ, որպէս հաւաստի առնէ սուրբ վարդապետն Եղիշէ: Զի երբ Վաչէ քեռորդի Յագկերտ արքայի ընկալաւ գմոգութիւն, և ի ձեռն նորա բազմացան ատրուշանք աշխարհին Աղուանից, և զօրացաւ բռնութիւն ուրացութեան կրօնից, Հայք միաբանեալք հիմն ի վեր տապալեցին զատրուշանս նոցա և ազատարարին զնոսա ի լծոյ կռապաշտութեանց: Թէպէտ Վաչէ թագաւոր Աղուանից, քեռորդի Յագկերտի՝ զկնի մահուան նոյն իսկ Յագկերտի երստին դարձաւ ի հայրենի կրօնս իւր, միաւորեաց ընդ իւր զերկոտասան լեռնական թագաւորութիւնս և ի սարսափ էած զօրացն, Պարսից յաւուրս Պերոզի, բայց Պարսիկք զօրացեալք ի ձեռն Հոնաց-Խազրաց նուաճեցին զաշխարհն Աղուանից և արարին ոտնակոխ: Վաչէ այնուհետեւ ընկալեալ զաւետարանն Քրիստոսի՝ մեկուսացաւ յաշխարհէ, լքեալ թողլով զլիսովին զաշխարհն Աղուանից:

Աղուան մնաց այրի անօգնական զամս երեսուն, յորս բազմացան Ատրուշանք և յաճախեցաւ կրակապաշտութիւն ցաւուրս Վաչականայ առաջնոյ. բայց երբ Արտաշիր յաջորդ Պերոզի հեհան զհրովարտակ ազատութեան հաւատոյ՝ յորդորեալ ի Վահանայ Ամատունուոյ, զօրացեալ Վաչականայ արքային Աղուանից շինէր զեկեղեցիս և գմենաստանս, կարգէր զպաշտօնեայս, կառուցանէր զգլորոցս և յաւուրց անտի յառաջնոց զուրացեալ իշխանան ամէր ի հաւատս Աստուածապաշտութեան, մարքէր զԱղուանս ի զիւսապաշտ մոլորութեանց, զորդիս մատնահատ կախարդաց, քրմաց և այլոց մուծանէր ի գլորոցս, ուսուցանէր նոցա զճշմարիտ կրօնս Աստուածապաշտութեան: Զսերմանեալ մոլորութիւնս ի ժամանակաց անտի առաջնոց արմատախիլ առնէր, և զբանս Աստուածային սփռէր ի հոգիս հաւատացելոց՝ զնելով առաջի նոցա զանտանելի տառապանս, զորս կրեցին